



Broj: 01-90/22
Vareš, 26.04.2022. godine

Z A P I S N I K
sa 14. sjednice Općinskog vijeća Vareš,
održane 30.03. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 14. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika - gosp. Čedomir Jelić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Mirza Fatić i gosp. Dragan Orozović i predstavnici medija.

Sekretar OV Leon Pavlović izvijestio je Vijeće da je na 13. sjednici OV održanoj 28.02.2022. godine. Donesena su dva (2) Zaključka vezana za prihvaćene Inicijative podnesene od vijećnika Daria Dodik, jedan (1) Zaključak je u toku realizacije (parking) a drugi Zaključak je realizovan. Pokrenute su dvije (2) Inicijative, na jednu (1) Inicijativu (vijećnik Nurdin Begović) je dat odgovor od Općinskog načelnika a na drugu (vijećnik Asmir Čizmo) je dat odgovor od JPU Dječije obdanište Vareš. Postavljena su dva (2) vijećnička pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Nije bilo izjašnjavanja.

(Vijećnička pitanja)

Salih Memić

1. Zašto put prema MZ Neprivaj nije uvršten u kategoriju lokalnih puteva?

Dario Dodik

2. Prošle godine na zoni Kram je postavljena drobilica, tada mi je rečeno da je u saglasnosti sa Općinom i da će zauzvrat biti urađen taj teren, da će se izvršiti poravnanje. Sad me interesuje da li to što je dogovoreno, da li je i izvršeno? Da li je to sve što je do sada urađeno ili treba još da čekamo da se poravna, jer koliko vidim da nije dole sve završeno, jedan dio je ostao neporavnat?
3. Zbog čega je zastava na zgradi Općine, zastava BiH neispravno postavljena? Pozivam da se što prije ispravno postavi zastava.

Nurdin Begović

4. Zašto nikada Općinskom vijeću Vareš nije dostavljen Program upravljanja „Srednjovjekovnim kraljevskim gradom Bobovcem“? Kada će takav Program upravljanja biti dostavljen najvišem Odlukodavnom tijelu Općine Vareš?

Amela Brkić

5. Pitanje je u vezi zaštitne ograde oko stadiona gdje se djeca igraju. Ograda je uništena, pošto je metalna može doći do povreda djece. Postoji li mogućnost da se izvrši sanacija ograde?

Šaban Ibrišimović

6. Kada će se instalirati ulična rasvjeta u naselju Radonjici MZ Striježevo?

Inicijativa 1.

Šaban Ibrišimović

O pokretanju procedure izrade projektne dokumentacije za dionice rc 444a od Luka do Pod Ratanj u dužini od 4,5 km.

Sahudina Beganović

7. Kada možemo očekivati i da li je planirana rasvjeta, popravka rasvjete ili osvjetljenje u drugom dijelu ulice Put mira?

Predsjedavajuća OV stavila je na raspravu Zapisnik sa 13. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 13. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 13. sjednice OV.**

Predsjedavajuća OV stavila je na raspravu prijedlog dnevnog reda za **14. sjednicu OV** koji je usaglašen na Kolegiju Općinskog vijeća.

Nije bilo rasprave i predsjedavajuća OV stavila je na izjašnjavanje prijedlog dnevnog reda 14. sjednice OV i nakon izjašnjavanja vijećnika konstatuje da **je jednoglasno sa 19 glasova „ZA“ usvojen sljedeći**

Dnevni red

1. Izvještaj/Izvješće o izvršenju budžeta/proračuna Općine Vareš za period januar/siječanj-decembar/prosinac 2021. godine.
Izvjestilac: Općinski načelnik.
2. Izvještaj o radu Jedinog općinskog organa uprave Općine Vareš i Općinskog načelnika za 2021. godinu.
Izvjestilac: Općinski načelnik.
3. Prijedlog Odluke o osnivanju Zajedničkog pravobranilaštva.
Izvjestilac: Općinski načelnik.
4. Prijedlog Odluke o raspisivanju Javnog oglasa za imenovanje dva člana Općinske izborne komisije.
Izvjestilac: Sekretar OV.
5. Prijedlog Odluke o izmjenama Odluke o izboru stalnih radnih tijela Općinskog vijeća Vareš.
Izvjestilac: Sekretar OV.
6. Prijedlog Rješenja o imenovanju Konkursne komisije.
Izvjestilac: Sekretar OV.
7. Prijedlog Rješenja o imenovanju Stručne komisije za davanje stručne ocjene u postupku izdavanja urbanističke saglasnosti.
Izvjestilac: Ermin Musa.
8. Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje mjera u 2022. godini.
Izvjestilac: Ibrahim Spahić.
9. Prijedlog Programa utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Vareš za 2022. godinu.
Izvjestilac: Dragan Orozović
10. Informacija o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.
Izvjestilac: Čedomir Jelić.
11. Tekuća pitanja.

Ad. 1.

(Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2021. godine.)

Komisija za privredu, finansije i budžet na 6. sjednici održanoj 23.03.2022. godine jednoglasno je donijela sljedeći Zaključak:

- **Komisija nema primjedbi, daje pozitivno mišljenje na Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2021. godine i isti se upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Emir Islamović ispred Kluba SDA, uz dato obrazloženje, izjavio da Klub SDA neće podržati ovu tačku dnevnog reda.

Zaključena je rasprava i predsjedavajuća OV stavila je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2021. godine.

Nakon izjašnjavanja vijećnika predsjedavajuća OV konstatuje da je sa **12 glasova „ZA“ i 7 glasova „PROTIV“ usvojen**

Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2021. godine.

Općinski načelnik u svom obraćanju dao je kratko pojašnjenje i zahvalio se vijećnicima na razumijevanju.

Ad. 2.

(Izveštaj o radu Jedinственог опćинског органа управе Općine Vareš i Općinskog načelnika za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Nedžad Mušanović ispred Kluba SDA, uz dato obrazloženje, izjavio da Klub SDA neće podržati ovu tačku dnevnog reda.

Zaključena je rasprava i predsjedavajuća OV stavila je na izjašnjavanje Izveštaj o radu Jedinственог опćинског органа управе Općine Vareš i Općinskog načelnika za 2021. godinu.

Nakon izjašnjavanja vijećnika predsjedavajuća OV konstatuje da je sa **12 glasova „ZA“ i 7 glasova „PROTIV“ usvojen**

Izveštaj o radu Jedinственог опćинског органа управе Općine Vareš i Općinskog načelnika za 2021. godinu.

Ad.3.

(Prijedlog Odluke o osnivanju Zajedničkog pravobranilaštva.)

Komisija za statutarna pitanja i propise na 12. sjednici održanoj 24.03.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o osnivanju Zajedničkog pravobranilaštva, te je upućuje Vijeću na razmatranje.

Općinski načelnik Zdravko Marošević dao je dodatno pojašnjenje za ovu tačku dnevnog reda.

Otvorena je rasprava u kojoj je vijećnik Emir Islamović pohvalio i podržao ovu tačku dnevnog reda.

Zaključena je rasprava i predsjedavajuća OV stavila je na izjašnjavanje Prijedlog odluke o osnivanju Zajedničkog pravobranilaštva.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojena**

Odluka o osnivanju Zajedničkog pravobranilaštva.

Ad.4.

(Prijedlog Odluke o raspisivanju Javnog oglasa za imenovanje dva člana Općinske izborne komisije.)

Komisija za statutarna pitanja i propise na 12. sjednici održanoj 24.03.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o raspisivanju Javnog oglasa za imenovanje dva člana Općinske izborne komisije, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o raspisivanju Javnog oglasa za imenovanje dva člana Općinske izborne komisije.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojena**

Odluka o raspisivanju Javnog oglasa za imenovanje dva člana Općinske izborne komisije.

Ad.5.

(Prijedlog Odluke o izmjenama Odluke o izboru stalnih radnih tijela Općinskog vijeća Vareš.)

Komisija za statutarna pitanja i propise na 12. sjednici održanoj 24.03.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o izmjenama Odluke o izboru stalnih radnih tijela Općinskog vijeća Vareš, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izmjenama Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojena**

Odluka o izmjenama Odluke o izboru stalnih radnih tijela Općinskog vijeća Vareš.

Ad.6.

(Prijedlog Rješenja o imenovanju Konkursne komisije.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Konkursne komisije.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojeno**

Rješenje o imenovanju Konkursne komisije.

Ad.7.

(Prijedlog Rješenja o imenovanju Stručne komisije za davanje stručne ocjene u postupku izdavanja urbanističke saglasnosti.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Stručne komisije za davanje stručne ocjene u postupku izdavanja urbanističke saglasnosti.

Nakon izjašnjavanja vijećnika predsjedavajuća OV konstatuje da je **sa 18 glasova „ZA“ i 1 „SUZDRŽANIM“ glasom usvojeno**

Rješenje o imenovanju Stručne komisije za davanje stručne ocjene u postupku izdavanja urbanističke saglasnosti.

Ad.8.

(Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje mjera u 2022. godini.)

Otvorena je rasprava u kojoj su učestvovali vijećnik Salih Memić (*uz dato pojašnjenje traži da Civilna zaštita dodijeli prskalice i ostali potreban alat za gašenje požara u mjesnim zajednicama*), Općinski načelnik Zdravko Marošević koji je pozvao građane na odgovornost i pridržavanje jasnih uputa koje su date u vezi proljetnih poljoprivrednih radova (paljenje otpada na njivama). Sugerisao je da predsjednici svih mjesnih zajednica dostave Civilnoj zaštiti potrebe za alatom (lopat, sjekire i sl.)

Zaključena je rasprava i predsjedavajuća OV uz dato obrazloženje, a u koordinaciji sa pojedinim vijećnicima, iznijela je kritiku u ime Općinskog vijeća koja se odnosi na neprisustvovanje izvjestilaca kod pojedinih tačaka dnevnog reda i skrenula pažnju na član 79. Poslovnika o radu OV u kome je navedeno da Općinsko vijeće neće voditi pretres po onim tačkama za koje izvjestilac nije prisutan na sjednici.

Predsjedavajuća OV stavila je na izjašnjavanje Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje mjera u 2022. godini.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojen**

Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje mjera u 2022. godini.

Ad.9.

(Prijedlog Programa utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Vareš za 2022. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije i pitanja iznijeli vijećnici: Salih Memić (*da li su isplaćena novčana sredstva za poljoprivredne poticaje za prethodne godine*), Općinski načelnik Zdravko Marošević (*dao je odgovor da je ostao jedan mali dio neisplaćenih sredstava*), Mirnes Ajanović (*traži od izvjestioca da upozna Vijeće o efektima subvencioniranja, odnosno da li ima napretka kada je u pitanja plastična proizvodnja, zasijane kulture, stočni fond i sl. i o proceduru ostvarivanja poticaja od viših nivoa vlasti*), Nurdin Begović (*povećati saradnju sa poljoprivrednicima i raditi na motivaciji*), Asmir Čizmo (*uz dato pojašnjenje sugerisao je da nadležna Služba pomogne poljoprivrednicima da apliciraju za poticaj na višim nivoima vlasti*)

Ispred predlagača Dragan Orozović u svom obraćanju dao je dodatno pojašnjenje i odgovore na postavljena pitanja vijećnika u raspravi.

Zaključena je rasprava i predsjedavajuća OV stavila je na izjašnjanje Prijedlog Programa utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Vareš za 2022. godinu.

Nakon izjašnjanja vijećnika predsjedavajuća OV konstatuje da je **jednoglasno sa 19 glasova „ZA usvojen**

***Program utroška sredstava sa kriterijima raspodjele sredstava
„Subvencije za razvoj poljoprivrede“
utvrđenih Budžetom Općine Vareš za 2022. godinu.***

Ad.10.

(Informacija o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe, mišljenja i pitanje iznijeli vijećnici: Sahudina Beganović (*koliko je finansirano udruženja iz budžeta Općine, uz dato pojašnjenje traži da se Centar za kulturu i edukaciju Vareš angažuje i da u svojim planovima i programima uvrsti aktivnost obilježavanja državnih praznika, raditi na afirmaciji svih udruženja sa naše općine da uz saradnju sa drugim općinama angažuju se na obilježavanju državnih praznika na Kraljevskom gradu Bobovac*), Šaban Ibrišimović (*dao kratko pojašnjenje o aktivnostima Udruženja Čuvari bosanske krune Bobovac vezano za obilježavanje Dana državnosti BiH*), Sahudina Beganović (*replika*), Mirnes Ajanović (*apeluje da Centar za kulturu i edukaciji uradi program obilježavanja državnih praznika*), Sahudina Beganović (*da se formira odbor za obilježavanje državnih praznika, da se uključi Centar za kulturu i edukaciju i udruženja koja mogu dati svoj doprinos sa zadatkom izrade Plana rada*), Šaban Ibrišimović (*replika*), Maja Berberović (*pohvalila udruženja koja rade sa mladima, zahvalila se Općini Vareš i Općinskom načelniku koji podržava udruženja u skladu sa mogućnostima*) i Općinski načelnik Zdravko Marošević (*u svom obraćanju podržao prijedloge iznesene u raspravi da Centar za kulturu i edukaciju uradi plan obilježavanja državnih praznika u saradnji sa Općinom Vareš. O istom je dao pojašnjenje.*).

Predsjedavajuća OV konstatuje da će Općinski načelnik dati zadatak Centru za kulturu i edukaciju Vareš da ubuduće organizuje državne praznike.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o ostvarenoj saradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.

Ad.11.
(Tekuća pitanja.)

Predsjedavajuća OV upoznala je prisutne sa pristiglom poštom i to.

1. Neopoziva ostavka na mjesto predsjednika i člana Upravnog odbora JU „Dom zdravlja“ Vareš dostavljena od Hrvat Adisa 28.03.2022. godine.

Sekretar OV predložio je sljedeći

Zaključak:

1. **PRIHVATA SE neopoziva ostavka HRVAT ADISA na poziciju predsjednika Upravnog odbora JU Dom Zdravlja Vareš, koja je podnesena 28.03.2022. godine.**
2. **Zadužuje se ovlaštenu predlagač-Općinski načelnik da za sljedeću sjednicu Općinskog vijeća Vareš, pripremi prijedlog Rješenja o razrješenju imenovanog.**
3. **Ovaj Zaključak stupa na snagu danom donošenja.**

Predsjedavajuća OV stavila je na izjašnjavanje predloženi Zaključak i nakon izjašnjavanja vijećnika konstatuje da je jednoglasno sa **18 glasova „ZA“** (odsutan vijećnik Mirnes Ajanović) **usvojen predloženi Zaključak.**

2. Sekretar OV uz dato pojašnjenje predložio je sljedeći

Zaključak:

1. **Zadužuje se Komisija za izbor u regulirane organe da pokrene i završi postupak-proceduru izbora i imenovanja predsjednika i članova Skupština Javim preduzeća čiji je osnivač Općina Vareš i to:**
 - **Skupština JKP d.o.o. Vareš**
 - **Skupština JP „Vareš-stan“ d.o.o. Vareš**
 - **Skupština JP „Veterinarska stanica“ d.o.o. Vareš.**
2. **Postupak i proceduru Komisija će provesti u skladu sa Zakonskim propisima i u skladu sa Odlukom o utvrđivanju standarda i kriterija za konačna imenovanja na pozicije u regulirane organe do 15.05.2022. godine.**
3. **Ovaj Zaključak stupa na snagu danom donošenja.**

Predsjedavajuća OV stavila je na izjašnjavanje predloženi Zaključak i nakon izjašnjavanja vijećnika konstatuje da je jednoglasno sa **18 glasova „ZA“** (odsutan vijećnik Mirnes Ajanović) **usvojen predloženi Zaključak.**

3. Inicijativa o razmatranju uvrštavanja puta Dabravine-Lučila u Strategiju lokalnih puteva općine Vareš, dostavljena od MZ Neprivaj 16.03.2022. godine i Očitovanje po inicijativi Službe za prostorno uređenje broj.02/3-384/22 od 29.03.2022. godine.

4. Dopis-Zahtjev za rješavanje problematike oštećenja puta Donja Borovica-Križ, Gornja Borovica-Sastavci-Križ prilikom izvoza trupaca kamionima sa prikolicom. Dopis dostavljen od MZ Borovica 09.03.2022. godine i Očitovanje po Zahtjevu Službe za prostorno uređenje broj:02/3-383/22 od 29.03.2022. godine.

U raspravi su učestvovali Općinski načelnik i vijećnici: Mirnes Ajanović, Maja Berberović, Mahira Brkić, Emir Islamović Nikola Šimić, Asmir Čizmo i Dario Dodik. Svi su zauzeli stav da je prisutno uništavanje prilikom utovara i izvlačenja trupaca na mnogim lokalnim putevima na općini Vareš. U vezi toga potrebno je održati tematsku sjednicu na kojoj bi se donijele konkretne odluke, o čemu se treba očitovati Općinski načelnik.

Na osnovu rasprave i iznesenih prijedloga predsjedavajuća OV predložila je i stavila na izjašnjanje sljedeći

Zaključak:

Zadužuje se Služba za prostorno uređenje da za 15. sjednicu OV pripremi Odluku o zabranama korištenja prikolica i ograničenju tereta na svim lokalnim putevima na području općine Vareš.

Nakon izjašnjanja vijećnika predsjedavajuća konstatuje da je **jednoglasno sa 18 glasova „ZA“** (odsutan vijećnik Mario Mirčić) **usvojen Zaključak.**

5. Poziv za posjetu Privrednom društvu Eastern Mining d.o.o., broj:171/2022 od 03.03.2022. godine.

Predsjedavajuća OV konstatuje da će Vijeće na 15. sjednici dogovoriti termin posjete i o istom obavijestiti privredno društvo.

6. Općinski načelnik zahvalio se svima na radu sjednice i uputio čestitke svim vjernicima islamske vjeroispovijedi u povodu mjeseca Ramazana, a vjernicima katoličke i pravoslavne vjeroispovijedi nadolazeće blagdane Uskrs i Vaskrs.
7. Vijećnik Asmir Čizmo izjavio je da je dobio očitovanje JPU Dječije obdanište Vare na Inicijativu koju je podnio na prošloj sjednici OV i uz dato pojašnjenje predložio je sljedeći

Zaključak:

Zadužuje se Općinski načelnik i nadležne službe da u saradnji sa menadžmentom JPU Dječije obdanište Vareš, u narednih 30 dana, sačine pregled urgentnih infrastrukturnih potreba ove ustanove, te da se u skladu sa usvojenim Budžetom za tekuću godinu izvoje potrebna sredstva koja su neophodna za izvođenje infrastrukturnih radova i to prije raspisivanja konkursa za prijem nove djece.

Zadužuje se Općinski načelnik i nadležne službe da u saradnji sa višim nivoima vlast, potencijalnim investitorima ili finansijerima nadomjeste eventualne nedostatke sredstava za navedene potrebe, te da nas na narednoj sjednici OV izvijeste o urađenom.

U raspravi su učestvovali Općinski načelnik (*koji je upoznao prisutne da su određeni radovi u JPU završeni a neki su u toku realizacije*), Asmir Čizmo, Mahira Brkić, Dario Dodik (*upoznao je prisutne da je Fondacija Adratica Metals*

namijenila svoja sredstva obrazovanju, okolišu i zdravstvu i mišljenja je da će oni vrlo rado pomoći, angažovali su firmu u Sarajevu za pronalazak radnika određenih zvanja i sugeriše da se Fondacija kontaktira i preko njih pokuša doći do rješavanja problema novih uposlenika.) i Emir Islamović.

Predsjedavajuća OV stavila je na izjašnjanje predloženi Zaključak vijećnika Asmira Čizme i nakon izjašnjanja vijećnika konstatuje da je **jednoglasno sa 19 glasova „ZA“ usvojen predloženi Zaključak.**

8. Vijećnica Sahudina Beganović pozvala je sve prisutne i građane općine Vareš da prisustvuju predramazanskom koncertu koji će se održati 31.03.2022. godine (četvrtak) u 19.30 sati u prostorijama Centra za kulturu i edukaciju Vareš.
9. Vijećnik Dario Dodik traži od Općinskog načelnika i Službe za prostorno uređenje da se uradi popis radova koji će biti realizovani vezano za infrastrukturu u gradu. Predložio je sljedeći

Zaključak

Da se utvrdi stanje asfaltiranih ulica i javnih površina u gradskoj zoni, kao i broj udarnih rupa, potrebna sredstva za sanaciju istih, te da se odredi što skoriji rok za početak sanacije.

Vijećnik Emir Islamović uz dato pojašnjenje izjavio je da će Klub SDA biti suzdržanih prilikom izjašnjanja o predloženom zaključku.

Predsjedavajuća OV stavila je na izjašnjanje predloženi Zaključak i nakon izjašnjanja vijećnika konstatuje da je sa **12 glasova „ZA“ i 7 „SUZDRŽANIH“ glasova usvojen predloženi Zaključak.**

Predsjedavajuća OV u ime Općinskog vijeća i u svoje lično ime uputila je čestitku svim građanima islamske vjeroispovijedi u povodu mjeseca Ramazana, a vjernicima katoličke i pravoslavne vjeroispovijedi nadolazeće blagdane Uskrs i Vaskrs.

Sastavni dio ovog Zapisnika je audio zapis sjednice.

Sjednica je završena u 17.45 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALA
OPĆINSKOG VIJEĆA***

Mahira Brkić